



МЕСЯЦА СЕНТЯБРЯ В 12-й ДЕНЬ

Отдание праздника
Рождества Пресвятыя Богородицы.
И пренесение мощей
святаго праведнаго Симеона Верхотурскаго

НА МАЛЕЙ ВЕЧЕРНИ

На Господи, воззвах: стихиры на 4. Глас 1.

Подобен: Небесных чинов:

Наста день радостен, днесь бо торжествуем, христоименити людие, / память святаго праведнаго Симеона, иже в привременней жизни просиял есть велиих доброт светлостью, / по преставлении же прославлен от Бога нетлением и чудесы, / купно же и молитвенным к Немю дерзновением, / и скорою помощию всем в лютых обстояниях. // Радуйтесь убо, людие, и веселитесь.

Радости поистине ходатай приспе нам, / христоименити людие, / днесь светоносный праздник памяти праведнаго Симеона, / сей бо добродетельми и чудесы осиявает всех / и молится о верою и любовью празднующих // всепразднственную память его.

Весело сошедшися, христоименити людие, / и обстояще честный образ праведнаго Симеона, / светло воспойм ему, Господа же прославим, вопиюще: / слава Тебе, Человеколюбче, яко дал еси нам того образ добродетелей и источник чудес, / сильное ходатайство за нас на Небеси // и скорого помощника в нуждах наших.

Слава, глас 2.

Подобен: Егда от Древа:

Прославленный от Господа, святе Симеоне, / нетлением телесныя храмины души твоея, / купно же и чудесы предивны, / и представтельством о нас, / прими от нас благохваление, / радостно торжествующих

приснора́достную па́мь твою́,/ тебѣ же ублажа́ющих
пѣсенными похвала́ми,/ и моли́ Христа́ Бо́га изба́вити
ны от вся́кия напáсти// и спасти́ ду́ши на́ша.

И ны́не, пра́здника, или́ Богоро́дичен, глас то́йже:

Стра́нное Де́вы та́инство ми́ру показáся спаси́тель-
ное,/ от Нея́ бо роди́лся еси́ без се́мене, всех Ра́досте,//
Го́споди, сла́ва Тебѣ.

На стихо́вне стихи́ры, глас 2.

Подобен: До́ме Евфра́фов:

Благохвалéния в па́мь твою́/ прино́сим ти, свя́те
Симео́не,/ по досто́йнию ти воспева́емая,/ я́ко уго́днику
Христо́ву,// прославлéние твоё ра́достно пра́зднующе.

Стих: Пра́ведник, я́ко фи́никс, процветéт,// я́ко кедр,
и́же в Ливáне, умно́жится.

Исполнь благода́ти,/ при́зри на ны любóвию,/ свя́те
Симео́не,/ торжествую́щая// па́мь твою́.

Стих: Свет возсия́ пра́веднику// и пра́вым се́рдцем
весéлие.

Добродéтелей свѣтлостию,/ свя́те Симео́не,/ ду́шу
твою́ дом Бо́гу совершил еси́./ Моли́твами твоими//
просвети́ пою́щая тя.

**Сла́ва, и ны́не, пра́здника,
или́ Богоро́дичен, глас то́йже:**

Просвети́теля ми́ру родила́ еси́,/ Христа́ Бо́га,/ Пренепоро́чная Де́во Мари́е./ Тѣмже Тя вои́стину
Богоро́дицу,// ве́рнии, велича́ем.

Тропа́рь пи́сан на вели́цей вече́рни.

НА ВЕЛИ́ЦЕЙ ВЕЧЕ́РНИ

**12 сентяб́ря на Го́споди, воззва́х: стихи́ры пра́здника
на 6 и пра́веднаго на 4, во и́но же вре́мя то́кмо пра́вед-
наго на 8. Глас 8.**

Подобен: О, пресла́внаго чудесе́:

Блаже́нне Симео́не богому́дре,/ вожде́лев соверше́н
бы́ти в жи́зни вре́менной,/ презре́л еси́ кра́сная ми́ра,
сла́ву и бога́тство/ и вся́ предлежа́щая ти по рожде́-
нию твоemú./ По́двиги и труды́ избра́л еси́,/ и́миже до-
сти́гл еси́ безстра́стнаго жития́,/ и, упра́вив се́рдце
твоё к Небе́сным, возше́л еси́ на высоту́ добродéтелей./

Тёмже, яко достосла́вна подви́жника, // любóвию ты
вси прославля́ем, предíвне.

**Блаже́нне Симео́не богому́дре, / бога́тно добродете́ль-
ми украси́лся еси́ в жи́зни вре́менной, / смире́нием и
целому́дрием, / воздержáнием и крóтостию, / трудолю́би-
ем и послуша́нием, / нището́ю дýха и нестяжа́тельно-
стию, / подóбся вся́ко А́нгелом. / Тёмже, яко испо́лнена
бы́вша на земли́ вели́ких дарова́ний Бо́жих, // убла-
жа́ем ты вси, предíвне.**

**Блаже́нне Симео́не богому́дре, / безплóтных жи́тель-
ству подража́я, яко Небе́сный челове́к был еси́ на
земли́. / Сего́ ра́ди и преста́вился еси́ от земли́ к оби́те-
лем Небе́сным, / и та́мо ўбо ны́не дýхом водворя́ешься
с ли́ки небожи́телей, / Бо́гу же соблюда́юще зде при́сно
честну́ю па́мять твою́. / Тёмже, обстоя́ще о́крест ико́ны
твоея́, / яко богоу́годна согра́жданина А́нгелом и всем
святы́м на Небеси́ / и просла́влена от Го́спода нетле́-
нием и чудесы́ на земли́, // вси благоче́стно ты сла́вим,
предíвне.**

**Блаже́нне Симео́не богому́дре, / тёплый наш пред-
ста́телю и засту́пниче, / вы́ну сия́еши све́тло луча́ми /
зна́мений чудодей́ственных, / озаря́я сими́ ве́рою и
любóвию чту́щия ты / и с упова́нием моля́щияся тебе́. /
Тёмже ты, яко благохва́льное ору́дие чудодей́ственных
си́лы Бо́жия / и ве́рна помо́щника в ну́ждах, // восхва-
ля́ем вси, предíвне.**

**Блаже́нне Симео́не богому́дре, / предсто́й с небо-
жи́тели / Престо́лу Влады́ки и Го́спода, / ве́руем, яко
мо́лишися о нас / и ходата́й еси́ о всех / притека́ющих
к тебе́ с ве́рою и любóвию. / Тёмже яко неусы́пна мо-
ли́твенника о нас / и тёплага засту́пника // ты счита́ем
вси, предíвне.**

Сла́ва, глас 4.

Подóбен: Я́ко до́бля:

**Безстра́стия добро́тою войсти́ну преизя́ществовав на
земли́, / досто́блаже́нне Симео́не, / и спасе́ния быв
рачи́тель преизря́ден, / яко дре́во, насажде́нно при ис-
ходи́щих вод, процвёл еси́ добродете́льми. / Тёмже и
споса́ждён еси́ с ли́ки А́нгелов и всех святы́х в рай
Небе́сном, прославля́юще ты Го́споду, / отону́дуже бла-
гоуха́нием чудес исполня́еши чту́щия ве́рою и любóвию**

приснора́достную па́мьять твою́./ Сего́ ра́ди восхваля́ем тя/ и Го́споду, прославлéнием твои́м та́ко благоде́юще нам, благодарственными глáсы воспевáем:// сла́ва Тебе́, Еди́не Человеколю́бче.

И ны́не, прáздника, или́ Богорóдичен: И́же Тебе́ ра́ди:

Вход, прокíмен дне и чтéния три.

Прорóчества Иса́иина чтéние (глава́ 35):

Ра́дуйся, пусты́ня жа́ждущая,/ да веселíтся пусты́ня и да цветёт, я́ко крин./ И процветёт и возвеселíтся пусты́ня Иорда́нова./ И сла́ва Ливáнова даде́ся ей, и честь Карми́лова./ И узрят лю́дие мой сла́ву Господню́ и высотú Бóжию./ Укрепíтся, рúце осла́бленныя и колéна осла́бленная./ Утéшится, малодúшнии умóм, укрепíтся, не бо́йтся./ Се Бог наш суд воздаёт и возда́ст,/ Той при́дет и спасёт нас./ Тогда́ отвéрзутся óчи слепы́х и úши глухы́х услы́шат./ Тогда́ скóчит хромы́й, я́ко елeнь,/ и я́сен бóдет язýк гугны́вых,/ я́ко протóржeся вода́ в пусты́ни и дебрь в землi жа́ждущей./ И безводная бóдет во езе́ра, и на жа́ждущей землi истóчник водны́й бóдет./ Та́мо бóдет весéлие птiцам, и селiтва трóсти, и лúзи./ И та́мо бóдет путь чист, и путь свят наречéтся,/ и не прéйдет та́мо нечы́тый, ниже́ бóдет та́мо путь нечы́ст./ Разсе́янии пойдут по нему́, и не заблúдят./ И не бóдет та́мо льва, ни от зве́рей злых не взы́дет нань,/ ниже́ обря́щется та́мо, но пойдут по нему́ избáвлении./ И со́брании Го́сподем обратя́тся, и при́дут в Сио́н с ра́достью,/ и ра́дость вéчная над главо́ю их./ Над главо́ю бо их хвалá и весéлие,/ и ра́дость при́мет я,/ отбеже́ болéзнь и печáль и воздыхáние.

Прiтчей чтéние: Па́мьять пра́веднаго с похвала́ми: (зри страни́цы 205–206).

Премúдрости Соломо́новы чтéние: Пра́ведник áще постiгнет сконча́тся: (зри страни́цы 272–273).

На литiи стихи́ра прáздника или́ хра́ма.

Та́же стихи́ры самогласны, глас 5:

Духóвно раду́ющeся, лю́дие,/ в па́мьяти угóдника Хри́стова Симеóна,/ любóвию просла́вим по́двиги егó,/ предочíстив дúши на́ша от страсте́й и добродéтельми

украсив я, / и в веселии воспойм ему, вопиюще: /
радуйся, спасения ради избравый безвестную тебе
страну / и в ней процветый, яко крин; / радуйся, образ
воздержания верным показавый; / радуйся, цвете цело-
мудрия; / радуйся, трудолюбия умнаго и телеснаго
трезвения учителю; / радуйся, присно приметавыйся к
дому Господню на священныя песнопения / и тем стя-
жавый себе освящение; / радуйся, ревнительно смиренно-
мудрия; / радуйся, мудрости духовныя исполненный; //
радуйся, похвалю православных и утверждение.

Весело днесь сошедшися, людие, / в памяти правед-
наго Симеона / и светло торжествующе прославление
его от Господа, / любезно воззовем ему, глаголюще: /
радуйся, возлюбленный Господем угодниче Его; / раду-
йся, сподобивыйся Небесныя славы / предстояти со
Ангелы и всеми святыми Престолу Его; / радуйся, ис-
целений неоскудный подателю / и чудес источниче
независтный; / радуйся, неусыпный молитвенниче о
христоименитых людех / и скорый избавителю всех от
лютых обстояний; / радуйся, яко ходатайством твоим
и вечное спасение улучити надеемся.

Глас 3.

Подобен: Красоте детства:

Приидите, празднлюбцев собрание священное, /
приидите, возвеселитесь с нами, и, лик составльше,
торжествуйм. / Се бо празднуем память праведнаго
Симеона, / благочестия ревнителя в житий своем, /
ныне же скорбных утешителя, / врача безмездна бо-
лящих, / заблуждших наставника, / православных
удобрение, / о всех молитвенника и предстателя пред
Богом // и всем споспешника и ходатая ко спасению.

Слава, глас 2.

Подобен: Благоутробия сущи:

Да веселится Сибирская страна, / в нейже Господь
яви угодника Своего, / праведнаго Симеона, / и про-
слави нетлением и чудесы / к утверждению христоиме-
нитых людей в православней вере и во благочестии, /
купно же и предстательством на Небеси, / яко имети
в нем всем вернаго целителя, и ходатая на Небеси, /
и скорого помощника в напастех и скорбех. / Ты же,
святе Симеоне, / молися о нас ко Господу, празднующих

честную память твою, // даровати душам нашим мир и велию милость.

И ныне, праздника, или Богородичен, глас тойже:

Рождеством Твоим от земли к высотé Небесней вознесо́хомся войстину, / Пречистая Богородице, / и а́нгельским ликостоя́нием причто́хомся. / Те́мже вопие́м Ти арха́нгельским гла́сом: // ра́дуйся, Благода́тная, Госпо́дь с Тобо́ю.

На стиховне стихиры праздника, или святаго, глас 4.

Подобен: Дал еси знамение:

Благоговейно зря богоугодную жизнь твою, / приснопамятне Симеоне, / воспети тщимся ты, яко подвижника предобляго, / примером своим наставляюща и воодушевляюща люди // шествовати по стезям заповедей Господних.

Стих: Праведник, яко финикс, процветет, // яко кедр, иже в Ливане, умножится.

Ра́дующеся прославлению твоему́ от Го́спода, / свя́те Симеоне, / восхваляем ты любвию, // яко великаго уго́дника Господня.

Стих: Свет возсия праведнику // и правым сердцем веселие.

Торжествующе память твою, / праведный Симеоне, / веселимся о ликостоянии твоём со Ангелы и всеми святы́ми пред Престо́лом Влады́ки, / купно же радуемся о данней ти благода́ти исцелений, / в нихже ви́димо Госпо́дь просла́ви ты на земли / и подаде́ я граду́ нашему́ и стране́ Верхоту́рстей и всем ве́рным // якоже Своего́ благоволения́ залог непреложный.

Слава, глас 6. Самогласен:

Дивны дарования твоя, досточудне Симеоне, / житие бо твоё на земли сияет добродетелей светлостью, / на Небеси́ же Госпо́дь причисли ты Це́ркви перворо́дных, / ещё́ же и яви́ ты исто́чника чудес, и ско́раго помо́шника в ско́рбех, / и ве́рна споспéшника христоимени́тым лю́дем ко спасению. // Те́мже по до́лгу ты велича́ем.

И ныне, праздника, или Богородичен, глас 6: Творец и Избавитель:

Тропáрь на пренесéние мощéй, глас 4:

Днесь радуется славная странá Сибíрь, / обрёт свя-
тыя мóщи твоя внутрь себе. / Архиерее, священ-
ницы и весь сонм людскýй, / духовне веселящесе,
вопиём ти: / о богомúдре Симеóне! / Избáви нас, ýже к
тебе прибегающих, от всех бед, / прося подáтися всем
по коегóждо прошéнию / и избáвитися странé сей и
граду / от óгненнаго запалéния и погáнскаго нашéствия /
и междоусóбныя брáни и от всякаго зла. / Тёмже и
мы вси чтем ныне честных и многоцелéбных мощéй
твоих пренесéние, / нóвый целéбниче, и вопиём: // слава
Дающему тобою всем исцелéние!

Ин тропáрь, на прославлéние, глас 4:

Мирскáго мятéжа бéгая, все желáние обратил еси
к Бóгу, / да в видéния восход обрящещи горé, /
отнюдуже, не уклонívся в лукавствия сёрдца, / но очí-
стив дúшу и тéло, / приял еси благодáть точíti цельбы
вёрным и невёрным, / притекающим к тебе, правед-
ный Симеóне. / Тёмже по дáнному ти дáру / испроси у
Христá Бóга исцелéние нам, болящим душéвными
страстьми, // и моли спасти дúши нáша.

НА УТРЕНИ

На Бог Господь: тропáрь прáздника двáжды. Слава, праведнаго. И ныне, прáздника.

Или тропáрь праведнаго двáжды. Слава, и ныне: Ёже от вéка утаённое:

По 1-м стихослóвию седáлен прáздника или святáго, глас 1.

Подóбен: Кáмени запечатану:

Божéственному повинýяся водíтельству, устранился еси рóда и отéчества твоегó, блаженне Симеóне, / и ýко странен вселился еси в Сибíрстей странé, идéже востéкл еси на высоту добродéтелей, / прикрывáя дóблестныя твоя пóдвиги, во смиренномúдрии, / покрóвом юрóдства Христá рáди, / Ёже по блаженней твоей кончине всели ты во светлостех святых Своих. / Ёхже óбщники и нас соделай молíтвами твоими, прáзднующих пáмять твою.

Слава, и ныне, праздника, или Богородичен:

Пресвятая Дево, Отроковице преблагословенная,/
блаженна показала еси, Христа Бога рождши,/
блаженны содевающего Того воли повинующияся.

**По 2-м стихословии седален праздника
или святого, глас 7.**

Подобен: Удивляшися:

Постными подвиги плоть распиная со страстьми и
похотьми,/
мудрование плотское безстрастием благо-
честно умертвил еси,/
таже погасив страсти росю по-
двиг твоих, богомудре Симеоне,/
богато возжегл еси
огнем веры и любви воздержания светильник/
и дне сын явился еси,/
И ныне причастник сподобився
быти божественному свету,/
твою светлую память пра-
зднующих страстей мглы избавити/
и просвещения
духовнаго сподобити моли Христа Бога,/
Просветителя
и Спаса душ наших.

Слава, и ныне, праздника, или Богородичен:

Пречистая Богородице,/
Егоже Спаса Христа неиз-
реченно родила еси,/
моли с праведным Симеоном,/
во еже просветити и спасти род наш.

По полиелеи седален, глас 4.

Подобен: Званный свыше:

Возвеличил есть тя Христос Господь, блаженне
Симеоне,/
сподобив предстояти со Ангелы и всеми
святыми Престолу Его/
и ходатайствовать о людех
Его/
и даровав ти благодать чудес предивных,/
Темже,
радости исполняющееся, православных собрание,/
в памяти твоей ублажаем тя, благохвально почитающе.

Слава, и ныне, праздника, или Богородичен:

Святейши явилася еси Херувим,/
на земли рожд-
шая Христа, всех Владыку,/
Чистая Всенепорочная
Владычице.

Степенна, 1-й антифон 4-го гласа. Прокимен, глас 4:
Возвеселится праведник о Господе// и уповает на Него.
Стих: Услыши, Боже, глас мой, внемди молити ми ся к
Тебе. **Всякое дыхание: Евангелие от Матфея, зачало 43.**

**По 50-м псалме стихира, писана на стиховне вели-
кия вечерни, славник.**

12 сентябрья канон праздника, глас 2, на 6, и святáго на 4, и праздника, глас 8, на 4. Во ино время канон Богородицы на 6 и святáго на 8.

Катавасия по уставу.

Канон праведнаго, глас 3.

Песнь 1

Ирмос: *Воды дрéвле мánием Божéственным/ во еди́но со́нмище Совокупíвый/ и разделíвый мо́ре израильтеским лю́дем,/ Сей Бог наш препросла́влен есть,// Тому́ Еди́ному по́йм, я́ко просла́вися.*

Омрачénный грехми, недоумéю, како по достоя́нию восхвалíти тя, свя́те Симеóне,/ сия́юща по благода́ти Христо́вой по́двиг и чудес тво́их светлостью́./ Ты ми, благосе́рде, помози́, возсия́вая в души́ мое́й свет, имже осия́ваешися,/ я́ко да понé ели́ко воспóю в похвалéние твоё я́вльшаяся на тебé чúдная дела́ Господня́,/ воззы́вающа всех, прáзднующих пáмять твою́, пéти Влады́це Христу́:/ Сей Бог наш, дíвный и сла́вимый во святы́х Сво́их,/ препросла́влен есть, Тому́ Еди́ному по́йм, я́ко просла́вися.

Благочéстия любóвию и спасéния объ́ят быв, избега́яй тогó ра́ди трево́лнений житей́ских,/ удалíлся еси́, блаже́нне Симеóне, от ро́да тво́его/ и мánием Божéственным изведéн был еси́ в малонаселéнную иногдá страну́ Сибíрскую,/ иде́же пресельник быв земли́ оте́чския, подобник я́вился еси́ пра́отцу Авраáму,/ и стяжа́в нрав егó, в хижинах у́бо убо́гих витáяй,/ я́коже он в кúцах./ Ду́шу же вперíв к Небеси́, в гóрний Сион добродéтелей стезéю ходíл еси́, ведúщею на Не́бо,/ всю жизнь твою́, во сла́ву Христа́, Спа́са всех, ти споспéшествующа./ Ему́же вся сия́ научáют нас радóстно днесь звáти:/ Сей Бог наш препросла́влен есть, Тому́ Еди́ному по́йм, я́ко просла́вися.

По рождéнию тво́ему, блаже́нне, быв óтрасль благона́рочитых люде́й и сла́вных в наро́де сво́ем,/ егдá мánием Божéственным Сибíри дошéл еси́,/ áбие отгна́л еси́ от себé само́нния прéлесь,/ и смире́нию подклони́л еси́ вью́, себé вменя́яй послéднейша от всех,/ та́же труды́ мно́гими тéло твоё удручи́л еси́, и укроти́л свирéпое страстéй мо́ре воздержáнием,/ и та́ко возшéл

еси на высоту добродетелей, укрепляюще тя Христу, прославляемому твоими благими делы./ Ему же велегласно того ради вопием: Сей Бог наш препрославлен есть,/ Тому Единому поим, яко прославися.

В нищете пожил еси в Сибирстей стране, блаженне Симеоне,/ и, яко от корене благоплодна плод благоцветущ, добродетельми обогатился еси./ Тем же вельми украсивша тя божественными добротами, толико нам возжеленными,/ и сими прославлена Владыку Христа песнями славословим, зовуще:/ Сей Бог наш препрославлен есть, Тому Единому поим, яко прославися.

Столп добродетелей непреложен и благочестия жилище был еси, блаженне,/ имеяй основание убо твердое, Православную веру,/ посobie же непобедимо, содействующую ти силу Христову./ И ныне, имеяй дерзновение ко Христу, Спасителю всех,/ моли Его даровати к прославлению имени Его/ всем нам утверждение силою Его в сей толико спасительней вере,/ яко да вси едиными усты согласно зовем Ему:/ Сей Бог наш препрославлен есть, Тому Единому поим, яко прославися.

Богородичен: Преблагословенна еси, Богородице Дево, яко родила еси Христа, Спаса нашего,/ Его же славословим, яко Единороднаго от Отца,/ исполнь благодати и истины, и Ему же вину зываем:/ Сей Бог наш препрославлен есть, Тому Единому поим, яко прославися.

Песнь 3

Ирмос: *Неплодная душе и безчадная,/ стяжи плод благославный,/ веселящися возопий:/ утвердихся Тобю, Боже,/ несть свят и несть праведен// паче Тебе, Господи.*

Православною верою утвердився, блаженне Симеоне,/ стяжал еси благославный плод ея, обогативый тя добродетельми,/ обаче николиже велемудрствовал еси о себе/ и не дал еси человекоубийце искони обуяти тя тщеславием./ Но вину водился еси смиренномудрием, яко видети тя присно всем/ аки бы усвоивша себе песнь единого от богомудрых:/ утвердихся Тобю, Боже, несть свят и несть праведен паче Тебе, Господи.

С нищетою телесною соединив нищету духовную, яко корень всех благих,/ молчаливо и благочестно

твою жизнь совершил еси, блаженне Симеоне, / и явил еси в себе плод благославный Православных веры, / предукрепив прежде тело твое постом неослабным, / также душу твою храм Божий пресвят соделав, божественным храмом приседя, / внегда петься тамо священным песнопением, всем имущим един сей разум: / несть свят и несть праведен паче Тебе, Господи.

Сугубо благороден был еси, блаженне Симеоне, и родом, и нравами: / души бо твоея благородие благородия свыше добротами уяснил еси, / Православия светом блистая, и постничеством, и целомудрием, и смирением, и терпением, и мужеством на гордаго змия, / егже сими низложил еси, содействующу ти Христу, / и тако достигл еси блаженных селений святых, / ихже во устех коегждо быну бысть песнь Церкви: / утвердихся Тобою, Боже, / несть свят и несть праведен паче Тебе, Господи.

Древо благосеннолиственное, насажденное при исходящих вод, / еже дает плоды во время свое, был еси, блаженне Симеоне. / Ты бо, измлада напоен быв водами благочестия, / израстил еси добродетелей плоды, благоприятны Богу, / даровавшему ти за тая живот вечный, / егже и нас сподоби молитвами твоими ко Господу, / яко да и в грядущем веце, якоже днесь, воспеваем Ему: / несть свят и несть праведен паче Тебе, Господи.

Богородичен: Терние и волчцы грехов неплодны содевают души наша, / милосердая Мати Христа Бога нашего, / моли с праведным Симеоном Сына Твоего сотворити ниву душ наших, / во еже приносить ей плод благославный истинных веры, / несумненные надежды и нелицемерная любви, / яко да быну воспеваем Родшшемуся от Тебе: / утвердимся Тобою, Боже, / несть свят и несть праведен паче Тебе, Господи.

Аще 12 сентября, кондак и йкос святого.

Седален, глас 4.

Подобен: Вознесыйся:

Храм Богу хотя явити сердце твое, блаженне Симеоне, / избвлил еси неленостно присещати храмы Господни в часы песнопений. / Отонудуже и приял еси свет благодати Святого Духа / и явился еси звезда многосветлая, светлаго ради жития твоего / и чистоты

душѣвныя же и телѣсныя, озаряяй вѣрных собранія./ Тѣмже прѣзднующе памѣть твою, радостно восхваляем тя, блаженне.

Слава, и ныне, праздника, или Богородичен:

Храм Свѣта Неизреченнаго была еси, Всепѣтая Дѣво,/ вмѣщши во чрѣве Твоем просвѣщающа и освѣщающа міра концы Христа Бѣга нашего./ И ныне молитвами Твоими с праведным Симеѣном соделай причастники Того Свѣта и нас,/ Богородицу Тя воистину именующих.

Песнь 4

Ирмос: Положил еси к нам твердую любовь, Господи,/ Единороднаго бо Твоего Сына/ за ны на смерть дал еси./ Тѣмже Ти зовѣм, благодаряще:// слава силе Твоей, Господи.

Непостыдно бысть твоѣ, блаженне, на силу и поможь Человеколюбца Господа,/ предавша Сына Своего за ны на смерть, упованіе,/ имже укрепль душу твою, не ужаслся еси вступити в поприще подвиг твоих./ Господем бо помогаемь, первее удержал еси в постѣ чрево твоѣ,/ таже воздержанія росю добльственне страстей пещь погасил еси/ и, тако мрака их избавлься, просиял еси безстрастия свѣтлостію,/ сею же показал еси нам путь, ведущий в жизнь истинную./ Тѣмже, восхваляюще тя, Господу, даровавшу ти силу и крепость, поем:/ слава силе Твоей, Господи.

Насажден быв при водах воздержанія, блаженне,/ лоза явился еси благорасленна, благочестія гроздіе предлагающая./ К сим же показался еси всем и образ трудолюбия,/ подобяся бо скинотворцу апостолу,/ руками своими приобретавшему себѣ и сущим с ним вся потребная к жизни временней,/ упражднялся еси в швеніи одежд другим и в ловленіи рыб на потребу к жизни,/ яко да не отяготиши коего либо пропитаніем тебѣ./ Тѣмже укрепльшу тя о сем Христу Бѣгу поем:/ слава силе Твоей, Господи.

Труждаяся в швеніи одежд, блаженне, к смотрѣнію мысленных твоѣ художество управил еси,/ помышляя одеяніе душ твоея, в немже да видиши в чертог Спасов./ Такожде удицею рыбы ловяй, выну мысль к Бѣгу имѣл еси, блудый себѣ,/ яко да не удицею

грехá уловлѣн бѹдеши от вселукаваго врага спасѣния нашего./ И тако непреложен имѣяй помысл благочестия./ устроил еси жизнь твою по Бозе, Христу ти споспешествующу./ Емуже, сведуще сия, велегласно поем:/ слава силе Твоей, Господи.

Тезоименно услышанию, имже преднарѣклся еси в крещении, блаженне,/ поучаяся святому послушанию, самым делом исполнитель онаго был еси,/ нрав сообразный имени твоему стяжав./ Готов бо был еси всегда послужити всем, требовавшим твоея, благосерде, помощи в житий твоём,/ и служил еси, елико ти мощно бысть, со усердием, увѣтлив ко всем весь являясь, и честен, и послушлив./ Разумеюще убо, яко и сие дарование ти дадеся от Христа Бога,/ поем Ему:/ слава силе Твоей, Господи.

Богородичен: Имаши вся мощи, еже аще хощеши, всеблагая Мати Христа Бога нашего,/ употребляющи Матернее дерзновение к Немю./ Темже молим Тя, моли с праведным Симеоном Сына Твоего/ даровати нам силу и крепость шествовати неуклонно путем добродетелей,/ яко да благодарно вину зовем Ти:/ слава, Владычице, всемогущей силе Твоей.

Песнь 5

Ирмос: На земли, Невидимый, явился еси/ и человеком волею сожил еси, Непостижимый,/ и к Тебе утренююще, // воспеваем Тя, Человеколюбче.

Имеяй в сердцах своем образ восхищена до третияго Небес в рай апостола, рекша: мы юроди Христа ради,/ ты, блаженне Симеоне, таковое юродство волею восприял еси на ся,/ яко бо цветник благоуханнейший и добродетелей рай одушевлен,/ воздержанием процвел еси./ Обаче хотя утайтися от человек, юрод был еси миру,/ сам ся неблагороден сотворь, скудоумия при творении,/ Христу же премудр был еси,/ совершая преславная, безстрастия достигл еси истиннаго./ Темже восхваляюще тя, песненно прославляем/ давшаго ти такую мудрость Христа Человеколюбца.

Уму страсти твоя подчинив, блаженне, духовную мудрость стяжал еси/ и, сею управляемь, нищету возлюбил еси, и воздержание, и чистоту, и смиренномудрие./ И тако, силе Христовой ти содействующей, на высоту

добродетелей востéкл еси, / íмиже зря тя Христóс обогатívшася, человеколóбне призрé на тя / и славы Цáрства Небéснаго показá тя причáстника преслáвна, / Егóже моли и нас сподóбити óбщники бýти тоя, / я́ко да во вéки воспева́ем Егó, Человеколóбца.

Юрóдствуяй Христа́ ра́ди, блаже́нне, / и та́ко бисер многоце́нный добродетелей в селе́ се́рдца твоего́ сокрове́нный имéвый, / я́ко безплóтен, на земл́и пожил еси́ и соделался еси́ уго́дник Христу́, / Ё́же тя, в возме́дие тогó, прослáви нетлением и чудесы́ и поста́ви моли́твенника о лю́дех Свои́х. / Сего́ ра́ди, ублажа́юще тя, велича́ем прослáвльшаго тя, Го́спода Человеколóбца.

Вéлию сотворил естъ Го́сподь мило́сть Свою́ с на́ми, / дарова́в нам тебе́, блаже́нне, исто́чника чудес и моли́твенника о нас. / Те́мже ублажа́юще тя днесъ в па́мяти твое́й, / сла́вим Да́вшаго ти и нам такову́ю благода́ть, вопио́уще: / к Тебе́ у́треннююще, Го́споди, воспева́ем Тя, Человеколóбче.

Богорóдичен: Арха́нгельский глас вопи́ем Ти, Чи́стая Присноде́во: / ра́дуйся, Благода́тная, / я́ко родила́ еси́ Спаси́теля ми́ру, Христа́ Человеколóбца.

Песнь 6

Ирмо́с: *Глу́бина страсте́й воста́ на мя / и бу́ря противных вéтров, / но, предвари́в мя, Ты спаси́, Спа́се, / и изба́ви от тли, // я́ко спасл еси́ от зве́ря проро́ка.*

Воздержáния ветри́лом управлѐмь в жити́и твоём, блаже́нне, / дости́гл еси́ в безстра́стия сла́вная приста́ница / и та́ко спаслся еси́ от тли душепа́губных страсте́й. / Го́сподь же по преставлѐнии твоём изба́ви и тѐло твое́ от тли / и яви́ е нетлѐнно, а́ще и мно́га лѐта пребы́сть в нѐдрех земных. / И ны́не моли́, благосе́рде, Го́спода, / я́ко да спасёт и нас от вся́кия тли, / я́коже спасл естъ тебе́ от тли и от зве́ря проро́ка.

Враг спасѐния, искуша́яй нас на грехи́, сластьми́ па́лит, / но коль сия́ па́губна суть, сýщи тля сме́ртная, / тлят бо добрóту души́ на́шея, тлят и здра́вие тѐла / и к сим готóвят нам огонь неугаса́ющий и червь неумира́ющий. / Блаже́нне Симеóне, предстоя́ с ли́ки А́нгелов и святы́х Бо́жих челове́ков Престо́лу Влады́ки, / моли́ Егó с ни́ми, я́ко да изба́вит от губи́тельства сласте́й

и спасёт нас, вопиющих Ему:/ спаси, Спасе, и избави от тли, яко спасл еси от зверя пророка.

Много согрешающе на всякий час и грехми присно растлеваемии, тако слячени есмы,/ яко не мощи нам восклонити главы и возрети когда к Небесней доброте,/ и бурю противных ветров тако уносими далече от пути добродетелей и от стези покаяния,/ яко колебаться в нас упованию спасения./ Ты же, блаженне, предстои ныне Всесвятому, к Немуже и богатное стяжал еси дерзновение,/ моли избавити ны от тли греховныя и бурю тех противных ветров утолити, вопиющих:/ спаси, Спасе, и избави от тли, яко спасл еси от зверя пророка.

Блажен еси, святе Симеоне, и добро тебе есть,/ понеже Господь, зря тя праведна, вчини с лики святых во обителях Небесных,/ избавль тако геенны, сущия тли вечныя./ Еяже избавитися и нам моли Христа Бога, поющим Ему:/ спаси, Спасе, и избави от тли, яко спасл еси от зверя пророка.

Богородичен: Пречистая Владычице, Царице Небесная,/ страхом тли вечныя смерти содержи мии, молим Ти ся,/ моли с праведным Симеоном Сына Твоего, Христа Бога нашего,/ яко да избавит нас тоя, вопиющих:/ спаси, Спасе, и избави от тли, яко спасл еси от зверя пророка.

Аще 12 сентября, кондак и йкос праздника.

Кондак на пренесение мощей святого, глас 4:

Наста днесь всечестная память новаго целбника,/ праведнаго Симеона,/ созывает же люди в пречестный храм святого Божия архиерея Николая,/ идеже, радостно сошедшеся, благочестивых множества/ весело празднуют пренесения честных и многоцелбных мощей твоих праздник./ Ты бо явился еси граду нашему и всей Сибири врачество безмездное,/ подавая исцеление с верою приходящим к тебе,/ Симеоне всеблаженне./ Но, яко имеяй дерзновение ко Владыце Христу,/ Того моли спасти град и люди, молящияся тебе,/ паче же ходатай буди ко Господу/ во дни нашего шествия печали рабом твоим, да зовем ти:// радуйся, Сибирстей стране похвало и утверждение граду нашему.

Ин кондак, на прославление святаго, глас 2:

Мира суетнаго отверглся еси, / да блага вечныя жизни наследиши, / возлюбив незлобие и чистоту души и тела. / Снискал еси, еже возлюбил, / свидетельствуют бо о сем гроб и нетление мощей твоих / и благодать чудотворения наипаче. / Точиши бо цельбы всем притекающим к тебе и непросвещенным, / Симеоне блаженне, // чудотворче предивный.

Ўкос:

Многоцелёбнаго сокровища, чудотворных мощей твоих, / недра подземная не сокрыша, праведный Симеоне, / но в обогащение издаша тая притекающим верным и неверным. / Темже приидите вси и примите богатый ток цельбы, / щедрого бо Владыки раб щедрит и даёт и есть в подавании неоскуден. / Восхваляюще убо в песнях сицеваго заступника и благодетеля нашего, да зовём ему: / радуйся, Сибирстей стране похвало и утверждение граду нашему.

Песнь 7

Ирмос: *Якоже древле благочестивыя три отроки / оросил еси в пламени халдейстем, / светлым Божества огнём и нас озари, / благословен еси, зывающийя, // Бже отец наших.*

Благочестие трёх отроков вавилонских привлече к ним светлый Божества огонь, / сущую благодать Божию, сохраняющую их в пламени халдейстем невредимы. / Тобежде благочестие привлече и к твоему, блаженне, телу благодать, / сохраняющую е невредимо от тли в недрах земных. / И ныне пребываяй с нами, Симеоне, яко причастник Божественнаго огня, / возжзи в нас огонь ревности по благочестию, / яко да и мы, сим сохраняющиеся пламене страстей, / восприимем песнь оных отроков, еже зывати Христу вину: / благословен еси, Бже отец наших.

Чудно бысть халдеем видение трёх отроков, неопалившихся пламенем огня. / Такожде удившася христоименити людие и умилишася сердцем, / видевше твой гроб, блаженне, восходящ от земли. / Егда же узреша в нем нетленные мочи твоя / и точаща чудесы преславны Божественною силою, в них обитающею, /

и паче почудишася, и, страхом и радостію объяти бывше,/ со умилением славословяху Господа,/ дивная творящаго во святых Своих./ Темже и мы, торжествующе днесь память твою, святе,/ гласом трех оных отроков благодарственно взываем Христу, Спасу всех:/ благословен еси, Боже отец наших.

Вой истину велие, якоже то трех отроков в Вавилоне, такожде и твоё, блаженне, бысть оно чудо,/ яко честныя мочи твоя по толицех летех обретошася целы и неразрушмы,/ сохраняемы в земли Божественною благодатию/ и издавшеся силою ея от недр земных, яко светильник,/ егже Господь постави не под спудом, но на свещнице, да светит всем сиянием чудес,/ озариша и обогатиша православных разумением божественным./ Уцеломудритесь ныне, вопиющей, и возлюбите паче всех Господа,/ да благодать обрящете вечную, ещё же и подающе всем исцеление, притекающим к тебе./ Тебе же и мы поклоняющеся, радостно поём песнь трех оных отроков/ Христу, сподобившу нас таковыя благодати:/ благословен еси, Боже отец наших.

Яко финикс, процветё тело твоё нетлением, блаженне,/ и, яко кедр, иже в Ливане, умножися чудесы, приносяще божественную жизнь./ Сего ради Сибирская страна, имущи тя молитвенника,/ яко божественный зрится рай, цветы различныя приносяще чудес./ Имиже, яко древле вавилоняне чудом трех отроков вразумляеми быша в истинней сих вере,/ тако людие спасаемии присно утверждаются в истинней вере Божией,/ вводящей в живот вечный, егже дарует Господь Своим угодником,/ благословен сый Бог отец наших.

Богородичен: Зриши, Пресвятая Дево, яко в пламени греховнем исчезают дни наша./ Молитвами Твоими с праведным Симеоном сотвори,/ яко да не погубит сий пламень нас до конца,/ но росю светлаго Божественнаго огня утушен будет./ И мы тако, невредими от пламене ег явившеся,/ Подателю того огня, Сыну Твоему, вину взываем:/ благословен еси, Боже отец наших.

Песнь 8

Ирмос: *Нестерпимому огню соединившися, / богочестия предстояще юноши, / пламенем же невреждени, / божественную песнь пояху: / благословите, вся дела Господня, Господа // и превозносите во вся веки.*

Якоже благочестивии отроцы в пещи вавилонстей / пламенем иногда невреждени быша Божественною силою, / тако сподобившиися помощи твоея, блаженне, / спасени быша от многоразличных зол, яко пламенем огня их обдержавших. / Темже обновляющаяся в душах верных чудеса твоя днесь в памяти твоей, / якоже чудо в пещи вавилонстей юноши оны, пети всех научают: / благословите, вся дела Господня, Господа и превозносите во вся веки.

Боготочный источник, орошающ страждущих в пламени нестерпимых зол, Господь яви ты, блаженне, / яко воистину сокровище дарований, / мы же молитвами твоими сподобляемся быти невредими от злых. / От независтных бо вод духовныя благодати / всем с теплою верою прибегающим к тебе подавши благопотребная ко спасению / и тако творishi, яко да вси, радостно торжествующе память твою, согласно вопием: / благословите, вся дела Господня, Господа и превозносите во вся веки.

Чудес твоих, блаженне, реки излившаяся исцелений, / бездну ты явиша, точащу благодать Господа. / Инии бо стражда нестерпимую болю во очию своею, / перстию токмо от гроба твоего обложивше я и о сем укрепившися, прозреша, / друзии же прикосновением токмо к мощем твоим облегчение в болезни получиша; / прежде сущии немии глаголение прияша, печальнии крепкое утешение, / хромии благотечение, разслабленнии исправление, болящии ногама здравие; / такожде многи утробы неплодны соделашася многочадны, / пьюще токмо воду от места явления твоих мощей, / мнози же елеем от кандила твоего исцелишася от неисцельных болезней. / И всем всяко проливаеши тучи врачеваний, уставляя паление недугов, / и люди, сих свободившися, устройеши песнопети: / благословите, вся дела Господня, Господа и превозносите во вся веки.

Вельми ты прослави Господь, блаженне, в чудесех, / от любве бо и веры святое токмо имя твое призывающихи / абие услышани бывають, якоже плененнии иногда погаными, / и страждущии от дух нечистых, и инии мнози болящии, / и николиже скудни помощи твоея оставляются. / И не точно тщащимся имя твое нарицати, но и образ твой любовью, яже к тебе, написующим, велик помощник являешься. / К сим же и неведущим ты болящим, / яко во мнози страны и веси произыде и слышана бысть слава имени твоего, / в сонних являясь, врачуши я. / Темже память твою празднующе, / в прославление Господа, прославльшаго тако ты, велегласно взываем: / благословите, вся дела Господня, Господа и превозносите во вся веки.

Богородичен: *Образы* носящи древле Твоего Рождества, / юноши не опалает, Дево, пещь, / якоже не опали утробу Твою Огнь Божественный. / Вся бо творит Иисус, Сын Твой, Бог и Человек, / Егоже превозносим во вся веки.

Песнь 9

Ирмос: *Благословен Господь Бог Израилев, / воздвигнувший рог спасения нам / в дому Давида, отрока Своего, / милосердия ради милости, / в нихже посети нас Восток с высоты, // и направил ны есть на путь мира.*

Благословен Господь Бог, явивый ты, блаженне, / спешника всем ко спасению житием твоим и наставника словом. / Лествица бо невосходная житие твое бысть, слово же твое благодатию срастворено есть, / научающе трезвению души и тела и воздержанию по благочестию и тако направляюще всех на путь мира.

Благословен Господь Бог, даровавый нам тебе, блаженне, чудотворца предивна, / купно же и стену, и предградие от языкозлбия и озлобления заблуждших от истинныя веры. / Ихже чудесы от мощей твоих / далече отгнал еси от области Верхотурския, / не терпя рачителей ересей и хуления исполненных на Православие / быти тамо, идеже явися мочи твоя: / чудная бо знамения от сих, яко огонь палящ, явися в посрамление еретиком, / нам же всем во утверждение на путь мира.

Благословѣн Господь Бог, поставивый ты, блаженне,/ ходатая на Небесѣ и моли́твенника о нас./ Аще бо и земля сокрыла ты, но горѣ ты вси богата́на ꙗмамы/ предста́теля и моли́твенника к Бо́гу, любвию чту́щии ты,/ ꙗкоже иногда моли́твами твоими спасл еси́ инѣя от потоплѣния, инѣя от о́гненнаго запалѣния,/ призыва́ющия свято́е ꙗмя твоѣ и моля́щияся тебѣ о по́мощи,/ и инѣя от неизбежны́я смѣрти в болѣзнии их/ и тако́ всех напра́вил еси́ на путь ми́ра.

Благословѣн Господь Бог, сподобивый прославлѣние твоѣ, блаженне, светоза́рное/ и чудеса́ пресла́вная воспѣти, ели́ко мо́щно есть нам./ Ты же, благосѣрде, не отста́ви по́мощи твоея́ от нас,/ со умилѣнием про́сим ты,/ и не помяни́ беззаконий на́ших, но обрати́ся на ми́лость,/ и моли́ ми́лостиваго Бо́га дарова́ти мир ми́рови,/ и всем согрешѣний прощѣние, и душам́ и телесѣм здравіе/ и напра́вити всех на путь ми́ра.

Богородичен: Благословѣн Господь Бог, Тобо́ю, Пресвята́я Дѣво,/ посети́вый нас Восто́к свѣше,/ просвети́ти во тьме и сѣни сидя́щия/ и напра́вити но́ги на́ша на путь ми́ра.

Аще 12 сентября́, свети́лен пра́здника.

Свети́лен, глас 2.

Подобен: Твёрдыя:

Свѣтло возсия́ днесь па́мять твоѧ, блаженне Симеоне,/ луча́ми мно́го облистѧющи твоѧх добродѣтельныхъ дея́ний/ и озарѧющи ве́рных ра́зумы свѣтомъ чудесъ твоѧх./ Сию́ ўбо пра́зднующе, радостно сла́вим ты/ и любвию ублажа́ем, угѣднице Христа́, Бо́га на́шего,/ Егѣже моли́ изба́вити ны от мра́ка грехѣвнаго, и просвети́ти свѣтомъ за́поведей,/ разори́ти же и всю мра́чную тьму напа́стей, нас облежа́щих,/ и облистѧти весѣлиемъ сердца́, и спасти́ ду́ши на́ша.

Сла́ва, и ны́не, пра́здника, или́ Богородичен:

Свѣта немерца́ющаго вмести́лище яви́лася еси́, Пречи́стая Дѣво,/ носи́вши Христа́, Бо́га на́шего,/ Ёже есть Светъ присносу́щный, просвеща́яй всякаго челове́ка, гряду́щаго в мир./ Тѣмже Ты по до́лгу ублажа́ем.

На хвалітех стихіры прázдника 3 и прáведнаго 3 с припéвы их стихóвными, или́ тóкмо прáведнаго на 4. Глас 4.

Подóбен: Скорó предварі:

Испóлнь божéственнаго свéта,/ возсия́ нам пáмять богоугóдных пóдвиг тво́их,/ блажéнне Симеóне,/ озаря́ющи вéрных сердца́/ добродéтелей тво́их блиста́ньми./ Пу́ть бо у́зкий в земне́й тво́ей жи́зни шéствовал еси́,/ пространнаго лéсти отревáя/ и воздержáнием тéло своё удручáя,/ отбéг же мирскія сла́вы/ и целомúдрием и смиренномúдрием украсівся,/ дóбрыя дéтели тво́я, ихже укrywáл еси́ покрóвом юрóдства,/ я́коже фимиáм благово́нен и жéртву благоприятну, Христу́ принéсл еси́,/ И́же ты зря́ теми́ тако́ просла́вльша Егó,/ áще и напоследок дний сих подвизáвшася,/ яví подóбна пёрвым подви́жником/ и сла́вы Цáрства Небéснаго сподóби,/ всели́в ты во обітелех Небéсных со А́нгелы и все́ми свята́ми,/ с ними́же моли́ся, свя́те, Влады́ще/ и нас сотвори́ти причáстники Небéснаго Цáрствия, // торжествующих священнолéпно днесь священну́ю пáмять твою́.

Прославля́яй ты Господь на Небеси́,/ блажéнне Симеóне,/ просла́ви и на землі нетлéнием и чудесы́./ По мно́зех бо лéтех пребывше в недрах землі,/ честны́я мо́щи тво́я обретóшася цéлы и невредімы./ Ты же благоухáеши и то́чиши исцелéния,/ я́ко райский истóчник, стру́й испущáеши благодáти Бóжия/ и чудес то́ки подаéши всем трéбующим,/ всяк недúт благоврéменне отъéмля/ и напая́я дúши даровáнии божéственными./ Ихже сподобля́ются ны́не не то́чию Сибі́рстии лю́дие,/ но и далéче сýще призывáющиеи святóе імя твоё́,/ та́кожде и почита́ющиеи священны́й óбраз священнолéпнаго подóбия тво́его́/ и моля́щиеися о пóмоци тво́ей. // Тёмже по дóлгу ты ублажáем.

Имúще ты истóчник исцелéний и безмéдна врачá,/ блажéнне Симеóне,/ імамы́ же кúпно ты и наставника́ и споспéшника ко спасéнию, и моли́твенника о нас./ В сонних бо явля́яся лю́дем,/ учи́ши их благочéстию,/ вразумля́я проводіти жизнь в трезвэнии и воздержáнии/ и огребáтися душетлéнных страстéй,/ и тако́ руководіши их по пу́ти, ведúщему в живóт вéчный,/ и мо́лишися, предсто́я Престóлу Влады́чню,/ избáвити всех от бед и напáстей/ и всем даровáти мир и

спасение./ И ныне, благосерде, молитвами твоими испроси нам у Христа, Бога нашего,/ вся благопотребная ко спасению/ и жизни временной и вечной,/ яко да непрестанно хвалим тя// и Владыку благоговейно быну славословим.

Всечестных пренесению мощей твоих,/ блаженне Симеоне,/ во святую обитель святителя Николая/ древле радовашася Верхотурстии людие,/ приемлюще я, якоже войстину великое сокровище./ И мы, торжествующе в памяти твоей,/ веселимся божественно, и песненными похвалами ублажаем тя,/ Господу же Богу нашему,/ даровавшу нам таковое сокровище, благодарственно вопием:// слава Тебе, Господи, Благодетелю нашему, во веки веков.

Слава, глас 5.

Подобен: Радуйся:

Торжествующе днесь память праведнаго Симеона,/ духовный лик, людие, совокупльше/ и согласно величающе сего угодника Господня,/ умильно к нему воззовем:/ о всеблаженне Симеоне!/ Приими наша песнопения в похвалу тебе,/ не яко достойная тебе,/ но яко от усердия тебе приносимая,/ не бо можем по достойнию воспети тя./ Приими и посильная приношения,/ предлагаемая ти от благодарных тебе сердец./ Приими и моления наша, к тебе возносимая,/ и, яко предстатель наш и молитвенник о нас,/ молися Пресвятей Троице,/ еже даровати мир и благоденствие Святей Православней Церкви,/ пастырем ревность о спасении пасомых ими,/ месту и граду сему благоволение/ и всем христоименитым людем в вѣце сем согрешений прощение и злых избавление,/ в вѣце же нескончаемем радость,/ еюже радуются вси праведнии,// наследующии, якоже и ты, святе, живот вечный.

И ныне, праздника, или Богородичен, глас 5.

Подобен: Сознавальное Слово:

Радуйся, Радость миру родившая, обрадованная Владычице,/ Тобою бо явися во Плоти Спас всех, Христос Бог,/ имеяй глаголати во Царствии Небеснем коемуждо благих, верных раб Своих:// вниди в радость Господа твоего.

Славословие великое.

НА ЛИТУРГИИ

Аще 12 сентября, блаженны от канона праздника, песнь 9-я, на 4, и праведнаго, песнь 6-я, на 4.

Во ино время токмо праведнаго, песни 3-я и 6-я, на 8.

Аще 12 сентября, прокимен праздника и праведнаго, глас 7: Возвеселится праведник о Господе: Апостол праздника и праведнаго, зачало 213. Аллилуия праздника и праведнаго. Евангелие праздника и праведнаго, от Лукі, зачало 24. Причастен праздника и праведнаго: В память вечную будет праведник:

Во ино время прокимен, апостол, аллилуия, Евангелие и причастен праведнаго.

Молитва

О святѣй и праведный Симеоне, чистою душею твоєю в Небесных обителях в лице святых водворяйся, на земли же с нами неотступно пребывай! По данней ти благодати от Господа молитися о нас, милостивно призри на нас, многогрешных, аще и недостойне, обаче с верою и упованием к тебе притекающих, и испроси нам от Бога прощение согрешений наших, в няже впадаем множицею во вся дни жития нашего. И якоже прежде овим убо, от очных зельных болезни ни мало зрети могущим, исцеление очес, овим же, близ смерти бывшим, от лютых недугов врачевание и иным иная многая преславная благодеяния даровал еси, сиче избави и нас от недугов душевных и телесных и от всякия скорби и печали и вся благая к настоящему житию нашему и к вечному спасению благопотребная нам от Господа испроси, да тако твоим предстательством и молитвами стяжавше вся нам полезная, аще и недостойнии, благодарне восхваляюще тя, прославим Бога, дивнаго во святых Своих, Отца и Сына и Святаго Духа, ныне в присно и во веки веков. Аминь.

Святой праведный Симеон Верхотурский († 1642) был родом дворянин. Однако стремление к духовной жизни побудило его скрыть знатность своего происхождения и вести смиренную жизнь бедняка. Известно, что он ходил по деревням и бесплатно шил полушубки и другую верхнюю одежду, преимущественно для бедных, чем оказывал им большую помощь. Заказчики же всегда ругали

его за то, что он что-нибудь недошивал — или рукав, или воротник. Так святой скрывал свои благодатные дарования.

Он много странствовал, но чаще всего проживал в Маркушах, что в 50 верстах от г. Верхотурья, где была пристань для судов, плававших по реке Туре. Любовь к созерцанию естественно сочеталась у святого Симеона с горячей любовью к уральской

природе: в тиши уединения во время непродолжительного отдыха от работы он любил удить рыбу, созерцая красоту Божия мира. Тут же, под открытым небом, он часто учил веру Христовой окрестных вогуличей, среди которых было еще много язычников. Эти бесхитростные проповеди явились тем благодатным семенем, из которого незаметно возросли обильные плоды духа на Урале и в Сибири, где праведный Симеон особенно широко почитается.

Праведный Симеон Верхотурский преставился в 1642 году, когда ему было лишь 35 лет. В 1694 году митрополит Сибирский Игнатий обрел его святые мощи. Позже, 12 сентября 1704 года, по благословению митрополита Тобольского Филофея было совершено перенесение святых мощей праведного Симеона из храма Архистратига Михаила в Верхотурский монастырь святителя Николая. Вторую память праведного Симеона Церковь празднует 18 декабря, на день его прославления.



В
ТОЙЖЕ
ДЕНЬ

Святѣго священномученика Автонома

Службу зри 11 сентября.



В
ТОЙЖЕ
ДЕНЬ

В тот же день память **преподобного Вассиана Тиксенского, Тотемского** († 1624; по некоторым источникам, † 1633). В миру Василий, крестьянин села Стрелицы (по другим данным, деревни Бурцово), близ Тотьмы, занимался портняжным ремеслом. Он принял постриг от преподобного Феодосия Тотемского в Суморинской обители на реке Сухоне, где прожил несколько лет в трудах и послушании. В 1594 году он поселился в 50 верстах от Тотьмы, при храме святого Николая на реке Тиксне. Первоначально он жил на церковной паперти, а затем с разрешения причта поставил неподалеку от храма

келлию. Проявляя постоянное усердие, он ходил на каждую службу в храм, а в келлии совершал иноческое правило. 13 лет он носил на теле вериги: на плечах — цепь, на чреслах — железный обруч, а на голове, под куколем, — железную шапку.

Стремясь к уединению, он никого не принимал в своей келлии, кроме духовного отца, питаясь подаванием, которое ему клали на оконце.

На месте его подвигов впоследствии был основан монастырь Нерукотворенного образа Спасителя, превращенный в XVIII веке в приходскую церковь. Житие преподобного написано в 1745 году игуменом Иосифом.

